

壺園詩鈔選

序

陸士衡以緣情綺靡論詩爲後人所詬病夫綺靡
詩之一端耳而情爲詩之所緣以出實爲千古不
易之論特情有戾有蕩有辟必兼言性而後歸於
正我鄉在康熙朝以文章科名耀於時者特推三
徐而健庵先生爲之首先生之曾孫廉峯亦以翰
林起家學問皆有淵源而尤長於詩其詩不拘一
格自漢魏以迄唐宋皆浸淫深入隨所遇而合焉

如元氣之在兩間遇夏而熱遇冬而寒遇春秋而溫且肅也且山之峙水之流鳥之飛獸之走人之爲賢爲愚爲大爲壽皆遇是氣而各成其類而氣固無所擇也由是而推乎人之情固不自知其喜怒哀樂也遇喜而喜遇怒而怒遇哀而哀遇樂而樂特率乎不得已之情耳其有無所喜而喜無所怒而怒無所哀而哀無所樂而樂者則僞也其或喜所不當喜怒所不當怒哀所不當哀樂所不當

樂則戾也蕩也辟也詩不本乎情而兼通乎性其
能免此弊者鮮矣余讀廉峯詩其言喜也爲之心
曠神怡其言怒也爲之髮上衝冠其言哀也爲之
嗚咽流涕其言樂也爲之頓足起舞余不知人之
讀廉峯之詩者何如而余之情則固合於廉峯之
情矣且余近年來槁木其身死灰其心情幾泯矣
而猶爲其所動則其詩可以通天下之情矣能通
天下之情而尚不爲詩之至者乎余固不知詩而

廉峯強余定之讀之一月若有不能已於言者則
情之感人亦甚矣哉道光十年冬至後五日同館
弟顧莼

夫無病而呻者非情有感弗通者非性自正始蕩
汨大雅頽喪瓦釜鳴而九乳息百舌奏而長離啼
於是或託無病之戒昧有感之則謂詩人之言不
必有實私心刺謬掩耳却走彼果自適于無言乎
抑自適于無文乎果有師于不作乎抑徒便其不

學乎故志士尚復古之才通儒重信今之術其與
于世也若好事其求于人也若自炫譽之則爲喜
謗之則爲憂詣良苦意良厚矣余持此以求天下
乃得之前輩徐廉峯君君流覽百氏仰企千古本
其家學益以多師其爲詩也如遊名山必窮極其
峻險如泛巨瀆必窮恣其洸洋剔榛莽而擷蘭蕙
披沙礫而網珊瑚其氣芳故聞者悅于魂其光黝
故見者動于魄是其譜之金石登之廟廊不爲瓦

釜而爲九乳不爲百舌而爲長離夫人而知之也
嗟夫聽九乳者毀瓦釜可也不可禁瓦釜而并禁
九乳聽長離者棄百舌可也不可惡百舌而并惡
長離君集旣出千人共廢而君且益堅其學肆其
文風雨不輟其音霜雪不渝其質則在在處處應
有神物護持使孔氏之門用詩君其升堂而入室
也哉侍宜黃黃爵滋

評語

鮑覺生先生云大著脫棄凡近力追唐賢風格已成雄秀獨出扶輪大雅豈止老夫讓一頭地

杜尺莊

照

云明史樂府皆讀史有得之言縱橫凌

厲可以開拓心胸推倒豪傑廉峯少作已卓卓可傳如是

吳蘭雪丈

嵩梁

云廉峯詩由漢魏而三唐時汎覽

於蘇陸諸家繼乃專力於韓杜故性情格律有兼

擅之美無偏重之病宜其度越一時莫能抗手

羅雅林

士菁

云諸作造思幽秀行筆駿健斂才就

範中有自如之致輝輝旌麾不知孰當其鋒矣

張南山

維屏

云廉峯太史篤內行敦友誼詩有家

學和平溫厚如其爲人至於樂府一體音節神味

動與古會此則關乎天分非徒學力之深也

顧蕪塘

翰

云廉峯嘗語余詩必剛柔交濟詩之柔

莫如白而其剛在骨詩之剛莫如韓而其柔在骨

世之學韓白者多失之故言性情者流而爲浮
王格調者轉而爲虛響卽廉峯之論以讀廉峯之
詩可知其宗派之正與所造之精矣

琉璃殿精華齋鄧雲階鐫

壺園詩鈔選目錄

擔笈集

選十八首

萍梗集

選二十九首

木天集

選二十一首

于役集

選二十首

寄巢集

上

選二十三首

寄巢集

中

選二十七首

寄巢集

下

選二十六首

還瀛集上

選二十四首

還瀛集中

選二十七首

還瀛集下

選三十五首

壺園詩鈔選卷一

顧南雅先生選定

歙徐寶善廉峯甫著

擔笈集

余幼嗜吟詠先大夫手選青蓮詩

一帙以授少長廢其荒於舉業也
弗令作踰冠遊學四方始力爲之
都其可存者爲一卷取北史語曰
擔笈集

饑神行

辛未余年二十有二讀書廣濟之梅川俗
尚迎神相傳明季流賊攻楚潁江見金甲
神從空下環衛森布驚駭潰散邑以無恙

爰酌神功祀曰儺神

賊○火○夜○燒○月○光○赤○江○水○倒○流○人○血○碧○蜀○鬼○遙○招○楚○
鬼○泣○廣○濟○城○卑○如○椶○賊○有○箭○不○敢○射○賊○有○刀○不○敢○
揮○金○甲○十○萬○從○天○來○狐○犇○鼠○竄○妖○氛○開○烏○虜○神○能○
驅○疫○又○驅○賊○擊○鼓○簪○花○應○廟○食○靈○風○吹○老○楚○山○色○

愁思

愁思不可絕。亂如春水生。鄉關渺何處。清寢落江
城。古木蕭條盡。輕雲黯澹橫。那堪歸雁過。天地滿
商聲。

晚步至百花洲

落葉蕭蕭下。秋心萬木知。湖陰來薄暮。湘水隔遙
思。地僻幽花靜。風高去鳥遲。蘇公遺址在。斜日弔
荒祠。

建昌道中

荒雞四野亂。曙影射櫺隙。役夫戒行李。殘星散如
客。出門視天地。萬家屋鱗白。酸風割人面。粟膚不
華色。朝陽須臾升。杲杲滅霜迹。匡廬遠將迎。支峯
勢綿驛。煙深不可辨。蒼然孕寒碧。

補明史新樂府

有序

選十一首

尤悔庵先生明史新樂府意嚴詞婉抗白
傳掩茶陵詩而史矣余以甲戌游學章門

諷詠全編見事之足垂法戒猶或有未備者爰撰二十餘篇以補之非敢續前輩之風流庶幾備遺忘於他日爾已

求直言

僧不僧帝不帝燕子欲飛來皇天示災異平遙訓導應直言效賈生哭彤廷前七國之旤脛股連割恩乃使諸王全漢皇不怒高皇怒間吾骨肉應殊死臣死耳臣舌存長祝吾皇壽萬春那識降軍調

北○平○他○年○卽○稱○靖○難○兵○

東角門

殺○功○臣○防○外○難○封○親○王○召○內○亂○北○平○虎○踞○燕○王○叛○
六○州○鑄○錯○鐵○空○糜○書○生○誤○國○真○庸○醫○庸○醫○不○可○爲○
朝○廷○煦○煦○宋○襄○術○誰○敢○一○矢○相○加○遺○濟○南○之○降○夾○
河○敗○真○王○豈○有○神○靈○戴○惜○哉○鐵○板○不○中○鐵○騎○犇○大○
風○拔○木○雷○電○昏○塞○旗○斬○將○徐○魏○國○軍○門○忽○傳○下○帝○
勅○籍○籍○訛○言○竟○縱○賊○吁○嗟○乎○朕○不○殺○叔○父○叔○父○忍○

殺汝卓公一疏人莫聞尚憶先生東角門

瓜蔓抄

一腔血泣鬼神三尺鐵能屈伸衣緋衣犯帝宸君
不見刺王僚彗襲月刺韓傀虹貫日匹夫敢死日
月易况爾忠臣誓天闕蓄謀不成可奈何劍術豈
得嘗荆軻磔吾屍械吾皮吾皮尚存駕安之魄猶
爲厲生何如爲語鄉里下訴高皇知

置東廠

燕○兵○偏○江○北○內○侍○降○如○雲○既○忍○背○舊○主○焉○得○忠○新○
君○胡○爲○出○雲○州○使○外○域○典○軍○制○事○侵○官○職○晚○年○銳○
意○尤○防○姦○防○姦○乃○萃○姦○之○淵○噫○嘻○內○官○官○制○明○且○
慎○奈○何○背○爾○高○皇○訓○

榆木川

韃○靼○征○瓦○剌○服○髑○髏○臺○沙○漠○漠○銘○功○勒○石○宣○幽○朔○
紫○泥○塞○青○海○灣○古○來○白○骨○成○邱○山○秦○皇○漢○武○壯○遺○
烈○雄○畧○鼎○足○絕○九○寰○邊○儲○告○空○餉○餽○缺○稽○首○乘○輿○

勸○莫○出○誰○其○愛○我○夏○原○吉○

內書堂

振○瑾○勢○滔○天○貂○璫○甌○彌○烈○伊○誰○覆○九○鼎○宣○德○始○牙○
葉○寺○人○給○使○令○匪○云○望○明○哲○佔○畢○胡○爲○者○內○使○書○
堂○設○釋○菜○拜○先○生○居○然○弟○子○列○橫○流○始○涓○涓○其○潰○
安○可○遏○灼○火○始○燄○燄○其○燎○胡○可○滅○一○朝○文○翰○通○詩○
書○戲○姦○孽○

匠官

木工○糊石工陸○昔泥塗○今冕服○赫赫侍郎勢煜煜○
朝廷○勿憂柱石○傾我能爲築○萬里之長城○棟不折○
檟不崩○燕雀處高堂○何畏鷗與鷹○策花驄○乘暖轡○
一聲清道匠官來○見者低頭聞者笑○語君且莫笑○
君不見朝傳嚴夕廊廟○

內府營

宣德內書堂宦官習文字○嘉靖內府營宦官曉武○
事前年俺荅侵燕京○大臣養寇如飼鷹○天子不敢○

坐○齋○閣○守○陴○四○面○陳○羸○兵○寇○來○全○軍○墨○寇○退○尾○而○
伺○敵○騎○猝○東○返○潰○駭○如○鼎○沸○戎○政○隳○不○修○大○營○復○
舊○章○賊○鸞○開○馬○市○中○官○內○教○場○爲○語○奪○門○時○已○有○
曹○吉○祥○

爭○礦○稅○

天○地○塞○君○臣○絕○饋○餉○竭○礦○硎○出○天○子○急○聚○斂○中○墮○
賄○賂○盜○民○困○不○聊○生○騷○動○勢○奔○裂○皇○帝○病○革○弊○政○
翼○日○瘳○悔○前○令○中○使○立○敦○促○惟○恐○外○廷○執○成○命○烏○

庫司禮猶力爭相公遵勅已罷行

點將錄

王紹徽點將錄排擊東林肆竄逐卻借淮南大盜
名一百八人按圖索是時闡黨布朝右爲彪爲虎
爲走狗頤指紛紛盡義兒趣取大物如唾手請配
宣尼陸萬齡首建生祠潘汝楨忽聞麒麟產山左
厥臣德至通神靈噫嘻厥臣威烈烈天子不聞坐
宣室方親斧椎弄髹漆

福祿酒

妖書案挺擊案國泰貴妃事難斷福王之國羣喙
息賜賚莊田充寶玩天下瘠王府肥王有錢百姓
饑黃虎飛食肉闖王來河西眼看金錢散賊手磨
刀霍霍斷王首賊衆爭勺福祿酒

打麥謠

孝感作

雨浪浪二麥黃風揚揚麥登場舉手問父老父老
太息不暇語客顧家人速打麥縣官日日催租亟

催租人足已蹙

送丁五

文劍

之太原

一○騎○雪○中○去○關○山○驛○路○長○送○君○臨○易○水○何○日○到○汾○
陽○風○急○邊○雲○聚○沙○乾○塞○草○荒○離○觴○須○盡○醉○自○此○各○
相○望○

壺園詩鈔選卷二

顧南雅先生選定

歙徐寶善廉峯甫著

萍梗集

庚辰余通籍入翰林乞假歸省旋遭

不造奔走於江漢吳楚者五年所作

特少芟薙之餘僅存四十二首爲一

卷曰萍梗集

新秋夜雨

孤館夜冥冥窗虛敞不扃螢光穿徑黑雨氣逼燈

青書倦頻思枕衣涼欲倚屏最憐蛩語急辛苦問誰聽

朝發黃州東風不利泊蘄陽卽事有感

宛在之江江上行千橋波折亂縱橫人常危坐爭風力帆半斜縣挾浪聲夾岸青山如送客傍舷白鳥漫多情孤亭官署依然在回首浮雲屢亦驚

署州

四見亭高峙城闕俯瞰大江幼年隨侍讀書亭下已閱二十年矣

暮泊口號

茅屋敲斜傍水濱。夕陽道遠客愁新。卻看收籬橫
牛背。吹入蘆花不見人。

曉起

曉起空江寒濛濛。雜煙雨不辨來去舟。惟聞數聲
鷓鴣。

過蘄水卽事寄吳春帆孝廉

秦祖

玉管銀箏勸客觴。司勳往事定難忘。小紅樓畔無
人住。空有桃花對夕陽。

江行

煙景三春麗。蒲帆日向東。人家翠微上。邨市綠陰中。山鵲朝爭樹。江豚夕拜風。卧游看不厭。佳興一尊同。

百舌吟

百舌百舌巢深林。微軀不見徒聞音。有時幻作燕鷺語。有時巧爲鸞鳳吟。世人鸞鳳不得見。鸞鳳之聲那能辨。况渠百舌中。百舌終日使人聽。不厭幸。

而○文○采○匪○五○色○未○得○全○將○毛○羽○變○吁○嗟○百○舌○之○舌○
猶○有○知○不○見○宋○宋○深○林○五○月○時○

襄陽樂贈太守周芸皋前輩

凱

一○曲○白○銅○鞮○競○唱○襄○陽○樂○襄○陽○好○風○景○下○有○清○水○
之○瀟○淪○上○有○方○山○之○岾○粵○羊○公○杜○公○豎○豐○碑○斷○跌○
千○古○埋○荒○萊○勸○君○莫○醉○高○陽○池○勸○君○莫○上○景○升○臺○
倒○著○白○接○離○山○公○酩○酩○無○所○知○長○歌○野○鷹○曲○八○及○
聲○名○同○陸○陸○由○來○劇○郡○號○難○治○考○功○莫○署○陽○城○字○

五馬南來識使君。誰道儒生能吏事。如塵案牘掃
不除。使君敏斷天下無。朱書白晝飛急符。迅雷夜
半禽荏苒。豈假質斧供誅鉏。將化悍獠散。詩書居
者安。室行安塗。我欲登鹿門。清風企龐孟。高節厲
薄俗。恬懷泯心競。算向大隄宿。朝聽大隄歌。使君
惠我年豐和。令聞令望永勿磨。水潯溪山差幾

登大別山弔吳魯肅墓

大江莽莽西北來。秋風獵獵陰雲開。翼際蜿蜒一

千里登臨俯仰窮。挺垓橫江將軍萬人敵。三尺遺
封藏毅鳥。南山射獵意氣雄。散盡家財陰結客。紫
髯一見甘下風。立談鼎足規江東。烏林初議拒國
賊。旌旗百萬燒蒙衝。豫州英雄困長阪。雲雨安得
齋蛟龍。三分定業始荆郢。責地豈悔亡湘中。大軍
巍巍峙終古。風雨猶聞撻征鼓。大軍山去漢陽六十里元時每風雨
則聞金鼓之聲天空日落猿嘯哀。太息當塗復典午。君不
見一坏黃土荒山陞。墮淚還同峴首碑。婁侯謬謬

信○良○幹○慙○愧○金○階○舉○笏○時○

卽事

悲○來○無○復○上○高○臺○沈○醉○宜○城○酒○百○杯○天○上○白○雲○愁○
似○我○秋○陰○十○日○不○曾○開○

秋胡行

秋○胡○娶○五○日○游○宦○去○何○之○五○載○乃○休○還○家○憩○路○
歧○彼○姝○何○綽○綽○窈○窕○善○容○儀○咱○以○黃○金○貴○豔○以○國○
卿○辭○誰○知○陌○上○婦○卽○是○閨○中○妻○一○心○事○二○君○新○故○

無○猜○疑○二○心○事○一○君○君○心○諒○所○知○

却東西門行

入○室○不○耐○寒○與○饑○出○門○不○識○東○與○西○遑○遑○九○交○衢○
吞○聲○躑○躑○涕○泗○洟○朱○門○高○高○崔○巍○石○銜○口○刺○滅○懷○
足○趑○趑○心○衰○哀○志○士○阨○窮○途○不○如○作○輿○僮○君○不○見○
哀○王○孫○有○漂○母○相○條○侯○有○許○負○悲○歌○乞○食○奚○所○恥○
千○古○知○人○出○女○子○

秋夜感懷

萬里高秋夜蕭條曠野閒星光低壓岸雲氣暗沈
山獨立蒼茫際浮生俯仰間蓬萊憶佳客何日共
追攀

詠荆軻

烏頭白馬生角燕丹間道歸思報秦廷辱夫人七
首將軍頭荆卿一去易水愁虎狼食人勢不止祖
龍不生丹亦死擗胷中柱徒爲爾君不見博浪椎
子房亦爲報韓來燕丹猶能死國士千秋突兀黃

金臺

題吳克齋小聽秋館圖

玉字生夜涼。微波洞庭夕。蒼然秋氣至。先驚白雲客。中夜讀素書。流光撫瑤席。愛此秋樹聲。羣動棲以息。仰視明星稀。銀河瀉空碧。

夜泊

暝色蒼然來。萬籟忽沈響。楊柳垂沙隄。行人繫孤榜。邨扉露斜隙。時見一燈晃。煙景何微茫。遙山殊殊。

懍○慌○悠○然○倚○舷○坐○滌○慮○絕○塵○想○明○月○從○東○升○空○江○
暗○潮○上○

題鮑五

有萊

涉江采芙蓉

空○江○波○溶○溶○菡○萏○香○十○里○美○人○隔○蕭○湘○沙○棠○汎○中○
江○風○斜○月○將○墮○夜○涼○煙○欲○起○願○言○通○微○辭○愁○心○寄○
江○水○

題金秀才

駐欣

瀟湘歸櫂圖

萬○古○青○天○月○瀟○湘○續○舊○游○仙○人○騎○鶴○去○太○白○有○高○

樓○香○草○尋○陳○寢○浮○生○起○暮○愁○桑○根○山○下○路○惆○悵○指○
歸○舟○

湘夫人詠

洞○庭○水○碧○煙○波○愁○靈○旗○飄○空○北○渚○秋○蒼○梧○猥○嘯○斑○
竹○冷○月○落○清○湘○澹○無○影○千○古○誰○聞○鼓○瑟○聲○黃○陵○廟○
下○水○泠○泠○西○風○嫋○嫋○吹○不○盡○一○髮○君○山○天○外○青○

上灘

白○石○亂○縱○橫○危○灘○客○嚮○驚○水○聲○千○弩○合○人○力○一○篙○

爭○身○世○吾○何○競○波○濤○自○不○平○前○溪○泊○舟○處○霜○月○向○
人○明○

客感

十○月○祁○門○道○荒○寒○野○氣○森○灘○聲○晴○亦○雨○山○色○晝○常○
陰○颯○颯○白○楊○岸○蕭○蕭○烏○柏○林○還○鄉○偏○是○客○涼○月○伴○
孤○吟○

祁門縣

亂○山○圍○一○縣○人○住○翠○微○中○商○賈○亦○時○集○舟○車○未○易○

通波黃蛟出峽月黑虎生風問俗周鄉邑霜林憩
晚楓

過梧桐嶺小憩太平庵

飛鳥不到處千盤仄磴高天光劃雲雨隴勢走波
濤過客已知倦枯禪未易逃藍輿下山去斜日送
亭皋

江上翫月寄懷馬六主事

洲

俞二編修

焜陶

二庶常

福恒

明月○照○濁○流○清○光○故○不○緇○豈○惟○月○不○淄○濁○流○本○清○
漪○我○自○愛○江○月○而○月○豈○我○知○江○流○去○不○返○月○影○如○
我○隨○烏○鳥○夜○角○寒○浩○浩○天○風○吹○佳○人○渺○何○許○千○里○
同○清○輝○

送王秀才

林杏

三○巴○二○月○春○雪○消○長○江○萬○里○通○春○潮○有○客○飄○然○欲○
歸○去○杏○花○寒○食○離○魂○銷○四○山○沈○沈○風○雨○黑○噉○噉○清○
猿○嘯○不○得○江○花○江○草○無○限○愁○我○亦○瀟○湘○倦○游○客○

贈譚鐵簫丈

光祜

蜀道青天上書生匹馬行
凌雲方獻賦細柳忽開營
懷抱金門鬱功名玉壘成
衷中三尺鐵一爲奏邊聲
春水一江綠隼旗江上來
霓裳按法曲蘭芷得騷才
路向三湘繞關從百嶺開
白雲飛縹緲遙指法華臺

武林送杜尺莊孝廉

胸

返越中

十○載○相○思○千○里○遙○湖○邊○一○見○轉○魂○銷○隔○江○煙○樹○西○
冷○渡○獨○立○斜○陽○送○暮○潮○

車中口號

鷺○墩○烏○亭○次○第○催○縣○延○驛○路○遠○山○圍○寒○風○颯○颯○斜○
陽○澹○霜○葉○一○林○黃○蝶○飛○

壺園詩鈔選卷三

顧南雅先生選定

歙徐寶善廉峯甫著

木天集

通籍六年丙戌散館授編修顧不及
一載復以憂歸存在館唱和者爲一

卷曰木天集

奉題當塗夫子餞書圖

疏傳昔時辭漢廷。東都祖帳秋風清。吾師物外契
莊旨。軒冕不勝邱壑情。縣車北闕疏未上。盡室書

已先南行琳瑯

御賜一萬軸五色時見郇雲生卅年相對暫爲別
此曲不奏陽關聲高門久識重汲黯上尊定擬留
匡衡果聞

溫語自天降未許解組縣蘭纓古人功名樂恬退
退或不速虞相傾庾公旣障王導扇謝傳亦泣桓
伊箏如師魚水得古契忍說固守煙霞盟轉嫌休
沐負清暇一甌安得假百城北池似有蠹香在東

壁○但○見○華○星○明○皋○夔○詎○聞○乞○身○去○故○山○
鵲○丹○心○驚○儻○招○長○恩○返○京○國○我○欲○載○酒○來○相○迎○

蒼梧馮烈女詩

身○未○嫁○夫○夫○早○死○夫○死○哭○告○父○與○祖○馮○家○之○女○羅○
家○婦○衰○絰○歸○羅○羅○不○許○湘○妃○招○我○鑒○我○心○
烈女生時語

潭○江○江○水○深○復○深○女○覓○不○返○女○鬼○沈○我○聞○孝○女○屍○
五○日○出○江○邊○又○聞○冤○禽○口○銜○石○朝○朝○暮○暮○東○海○填○
嗟○嗟○烈○女○死○歸○何○所○上○有○白○日○下○有○黃○泉○不○得○與○

姑舅言

瀛社分詠得蟹簪

月○迴○渚○明○沙○江○空○夜○激○練○一○星○閃○沮○洳○郭○索○伏○漭○
淀○芒○輪○渤○澥○闊○勢○負○窟○穴○便○設○筧○乃○夾○溧○名○鍾○巧○
圓○柁○曲○薄○編○同○籬○緯○蕭○障○類○堰○旁○凹○綿○蕪○綴○外○凸○
垂○恩○纏○汨○汨○急○瀧○犇○子○子○迴○波○淀○盤○鉤○狀○連○結○環○
絢○勢○逾○筵○爬○沙○往○復○回○投○火○後○或○先○先○迷○悔○不○復○
後○勁○進○方○踈○延○緣○抱○不○脫○掣○跌○性○愈○卞○孤○撐○蛭○腦○

猛○互○突○鬣○足○戰○筐○掀○跛○鼃○翻○劍○聳○伏○螭○扑○如○羆○獸○
駭○纒○如○罽○鳥○罹○胃○如○纓○困○撇○捩○如○筍○入○顛○眴○蝓○蟬○
巨○蠟○龜○蛸○蟬○細○拾○蜺○遭○縛○怒○猶○莢○濡○沫○噉○不○噉○徒○
呂○脂○膏○肥○坐○使○椒○薑○薦○橫○行○豈○不○勇○入○坎○復○誰○援○
強○或○鯨○鱗○逃○怯○必○孺○肩○刺○由○來○召○旤○患○往○往○中○娛○
宴○九○霄○素○鳧○涼○三○泖○蒼○波○濺○篴○槎○集○唐○陂○紺○紫○侑○
醽○醽○奚○當○蓑○笠○去○莫○枉○蓴○鱸○羨○

和作

黃陂
金光杰伯英

君○本○鱸○鄉○人○漁○釣○能○綜○覽○示○我○蟹○簞○詩○筆○力○恣○
雕○鑿○霜○氣○秋○蕭○寥○江○光○夜○黯○黹○風○吹○孤○月○沈○水○
浸○寒○星○澹○暗○潮○生○沮○洳○幽○火○出○葭○菼○半○頃○白○玻○
璃○一○炷○紅○菡○萏○截○流○爲○滌○洞○爭○坻○得○空○嵌○竹○編○
敲○岸○迴○樁○插○急○波○撼○守○簏○待○烝○來○坐○茅○息○衆○喊○
團○甲○生○獐○獐○狂○睛○視○眈○眈○旁○行○族○何○多○圍○獵○羣○
可○掩○誘○之○登○甃○梯○陷○乃○入○凶○坎○冥○冥○鳥○赴○籠○策○
策○魚○投○慘○煙○波○極○宿○深○風○味○佐○清○憺○得○豈○忘○賊○

筌○睹○方○同○菱○歛○介○士○身○以○殉○烜○人○手○頻○攀○爬○沙○
聲○逼○肖○游○釜○形○痛○憐○壘○斷○本○嶽○巖○要○津○多○輶○輶○
賦○物○窮○形○狀○讀○詩○發○喟○感○夾○深○人○雖○智○奔○罟○爾○
何○闇○苟○能○懲○攀○援○何○至○飽○咀○啖○慮○患○無○寸○腸○投○
危○有○斗○膽○八○跪○辭○樂○窩○雙○螯○落○罪○簪○縱○環○甲○兵○
多○終○困○網○羅○豈○以○鉤○鉅○強○遂○爾○憑○陵○敢○狂○蛟○
寒○可○罾○毒○鯁○深○能○罟○刀○下○斬○鯨○鱗○圈○中○扼○虎○頷○
入○水○既○不○深○赴○火○亦○何○慘○嗟○爾○橫○行○蟲○身○命○寄○

趙○盤○漁○師○據○要○衝○潛○伏○何○不○捷○

趙婕妤玉印歌

有序

同年生龔定盦

自珍

家藏漢玉方小印白

如截肪繆篆婕妤妾趙絕奇古攷漢書飛
燕合德入宮時皆爲婕妤而武帝時鉤弋
爲婕妤姓亦趙其印始藏宋王詵家定爲
飛燕物顧仲瑛金粟山房集亦詠之定盦
復作記証之屬予賦詩成七古一章

舍人好古如好色。古物摩挲出光澤。漢家寶璽埋
寒灰。私印偏留截肪白。紅羊劫火誰護持。玉肌著
手如凝脂。想見紫茸雲氣帳。鴛央秘殿承恩時。承
恩姊妹新妝綺。絕色由來成甌水。燕啄皇孫事可
哀。蹋歌爭唱張公子。鸞牋書字珍珠排。當時咳唾
鏗瓊瑰。留仙環珮化蛺蝶。護風無復餘荒臺。宋朝
都尉曾什襲。玉山好事藏雲笈。君從何處巧蒐羅。
洗盡香泥斑暈溼。篆紋屈曲如盤龍。昭陽日影蛛

絲紅秋來卻憶班姬扇零落輕紈長信宮

秋懷六首

憂思不可輟驅車上燕臺駿骨朽千載黃金鑄郭
隗側身望西南惻惻心骨哀坐飽太倉粟霜華元
鬢催時平容養拙濟治資賢才莫待負乘虛長缺
歌歸來

秋空蕩白日潦盡寒潭清長淮決怒浪地上蛟龍
行此豈天意毒煩冤鬼吞聲性命脫魚鼈乞食聚

市○城○縣○官○急○驅○逐○謂○防○旤○亂○萌○不○知○忍○暫○死○可○得○
歸○春○耕○得○賑○亦○奚○益○嗷○嗷○中○澤○鳴○

八○月○塞○草○黃○邊○城○日○流○血○克○鋒○煽○逆○豎○勞○師○逐○荒○
積○驛○騷○二○萬○里○饋○餉○竭○千○億○此○釁○誰○所○開○厥○罪○不○
容○磔○將○軍○漢○嫖○姚○猛○士○關○霹○靂○艱○難○闢○土○地○豈○敢○
失○寸○尺○誰○議○棄○珠○崖○陋○哉○賈○生○策○

趙○括○喜○談○兵○豈○不○讀○父○書○北○平○善○野○戰○威○名○震○匈○
奴○泥○古○不○達○今○毋○乃○笑○豎○儒○世○事○一○碁○局○黑○白○方○

郢區豈有奕秋奕。但以成法拘千載。謾周官咄咄。
王荆舒。

愚者識既著。至人憂未形。嬴秦掃六合。虎狼震威。
名求仙。獲符讖。乃築萬里城。十年屯上郡。白骨撐。
邊庭。後來揭竿起。豈是匈奴兵。防敵萬里外。旤乃。
蕭牆生拔劍。起斫地。忼慨懷古情。

清風吹我裳。明月入我室。對我成三人。與我游造。
物。胡然憂填膺。一發不可遏。姑酌彼金罍。復此陶。

風月○在○幽○質○不○污○處○顯○光○愈○潔○臺○臺○鳧○示○冲○發○發○
功○散○鬱○三○徑○歸○去○來○陶○潛○信○明○哲○

雙林寺

明大璫馮保營葬
地在西直門外

陰○陰○松○柏○參○天○長○浮○屠○半○截○撐○青○蒼○豐○碑○鼎○屬○落○
蘇○蝕○古○佛○跌○坐○容○矜○莊○雙○林○額○寺○義○何○取○僧○言○荆○
自○馮○貂○璫○當○年○神○廟○方○踐○阼○司○禮○赫○赫○提○天○綱○外○
託○江○陵○內○慈○聖○竊○據○威○福○墮○彝○常○首○踣○新○鄭○繼○吳○
趙○布○列○豺○虎○鉏○忠○良○十○齡○天○子○但○垂○拱○大○伴○入○殿○

神揚揚○偶裁章○疏值閣○病病起○志詬尤○披猖天誅○
不○畏○畏○鬼○譴○窮○極○媚○禱○崇○空○王○從○來○此○輩○備○灑○掃○
鐵○碑○祖○訓○垂○煌○煌○誰○持○太○阿○柄○倒○授○此○豎○無○乃○開○
文○皇○危○亡○千○古○踵○一○轍○家○奴○坐○制○尤○所○傷○熏○天○狂○
焰○卒○覆○滅○勢○若○霰○雪○逢○驕○陽○生○前○塋○壙○竟○安○用○幸○
保○要○領○逃○王○章○殘○骸○已○令○螻○螻○飽○幽○宅○但○付○狐○狸○
藏○我○來○落○日○衰○草○白○紛○紛○牧○笛○歸○牛○羊○

同年生龔定盦

自珍

邀吳蘭雪丈

嵩梁

湯茗

孫儲璠姚實甫瑩汪竺君元節周雪橋仲

墀家辛庵士芬與余作消寒會分詠江鄉

諸食品余得橄欖二十韻

海南種雞檳江東重烏欖紅鹽屑銀盤翠顆苞玉
苗函從千里致珍若百琲攬勻圓膚外瑩礫何核
內嵌縱比橘節堅遑同蔗尾噉一饌頤在朵十斛
首誰領從來別酸鹹至味出古澹仁投方梗澀既
咀覺淡澈華池滲津津瓊液回醴醴有如逆耳言

事○過○乃○識○感○煎○飴○正○味○貶○搗○醬○翠○色○黦○又○如○骨○鯁○
士○直○節○遭○壞○坎○扶○荔○擘○雞○冠○圓○纓○摘○龍○領○冰○梨○沁○
紫○霜○蜜○杏○綴○紅○糝○饗○奇○爭○厭○飮○食○譜○競○雕○鑿○儒○生○
味○道○腴○豈○爲○世○情○撼○森○森○真○面○目○鬱○鬱○古○肝○膽○蓄○
素○棲○靈○淳○蘊○真○入○元○窖○俗○好○敢○輕○徇○自○視○猶○覺○欲○
呼○作○苦○口○師○廷○諍○爾○其○敢○

出師四首

殺○氣○纏○溫○宿○春○光○度○雪○山○一○聲○旗○鼓○建○三○帥○甲○兵○

環○

威○已○休○循○懼○

在葱嶺西今布魯特地

恩○先○大○祿○頒○

謂伊薩克

依○依○折○楊○柳○佇○唱○大○刀○環○

上○相○威○名○重○專○

征○古○有○諸○先○聲○奪○磐○藁○

喀什噶爾古疏勒國

後漢書疏勒有磐藁城

間○道○逐○莎○車○

今葉爾羌地

莫○倚○穰○苴○法○宜○

聞○魏○絳○書○勞○師○青○海○外○豈○獨○剪○員○渠○

城○郭○車○師○路○崎○嶇○轉○粟○難○水○泉○蕃○馬○渴○芻○藁○野○駝○

殘○鬼○霧○森○戈○壁○神○濤○圻○井○闌○奇○功○漢○都○護○六○校○氣○

桓桓

絕域誰開鸞共鵬已放流風霜諸將厯宵旰
一人憂狡兔終防脫驚魚暫假游卽今麟閣上不
羨海西侯

伏波銅柱歌

銅馬西奔赤麋死白水真人作天子朱戟有女起
麓冷北帶西捲平狎鋒矢璽書詔督樓船軍先平
浪泊後九真金穴逡巡入采阻銅柱兀立標殊勲

羣蠻○殄○咎○南○荒○表○貼○貼○長○空○墮○飛○鳥○椎○破○狸○猯○萬○
鼓○聲○更○把○黃○金○鑄○驪○襃○當○時○苦○說○下○澤○車○據○輦○被○
甲○胡○爲○乎○可○憐○薏○苡○明○珠○謗○不○敵○南○交○萬○里○書○生○
封○徹○侯○死○藁○葬○畫○圖○不○列○雲○臺○將○十○柱○摩○挹○插○嶠○
南○萬○古○英○竄○泣○茅○瘡○

喜聞官軍收復四城

邊○烽○紅○入○天○山○雪○莽○莽○黃○沙○陷○白○日○羽○書○飛○報○甘○
泉○宮○新○疆○八○城○四○城○失○

天○威○赫○怒○天○討○張○將○軍○肘○縣○金○印○黃○少○保○英○謀○古○
無○敵○中○丞○勇○畧○何○洸○洸○雄○兵○四○萬○屯○溫○宿○是○時○天○
寒○閉○元○漠○雪○花○如○席○冰○如○山○壯○士○身○僵○馬○毛○縮○玉○
關○一○夜○春○風○來○將○軍○直○過○單○于○臺○柯○坪○殺○賊○賊○膽○
裂○洋○河○轉○戰○渾○河○側○三○軍○一○鼓○下○徠○寧○渠○魁○忽○竄○
犁○空○庭○回○戈○無○復○勞○三○駕○依○耐○莎○車○浹○辰○下○于○闐○
縛○賊○先○獻○誠○賊○行○如○鬼○忽○截○迎○楊○侯○勇○與○霹○靂○關○
一○旅○報○捷○膚○功○成○勒○勛○豈○直○兵○威○盛○克○敵○端○由○

廟謨定元惡。雖逃逐野誅。敢復生心逼烽偵。絕域
行看奏凱還。喧喧笳鼓動天山。但期諸將銷金甲。
不願仙人獻白環。

蠶簇

白葦織璘璘。藉黃蒿綴圓亭。紅閨餉女蠶。幾日纏瓏
瓏。食君箔上桑。報君腹中絲。白雪與金酥。纏繅無
盡時。

詠錢五十韻

十○星○橫○天○錢○九○府○初○園○法○規○模○倣○乾○度○方○孔○穿○月○
脇○響○疑○鐘○應○洛○卜○若○鼎○定○邾○靈○竒○詫○黑○虵○變○幻○誌○
青○鴨○晃○朗○白○銅○鞮○錯○落○金○鑲○鉀○四○周○繚○鯨○文○一○斑○
窺○豹○腴○庫○有○水○衡○藏○牒○取○度○支○押○捆○載○牛○汗○流○繮○
負○人○氣○歆○圖○於○井○生○浩○厚○比○石○長○蚘○么○荷○魚○鰕○游○
碎○萍○鳬○雁○喋○或○如○鷺○眼○小○或○如○螳○鼻○狹○使○鬼○勝○符○
籙○通○神○過○祠○祿○度○厄○等○仙○經○救○苦○若○梵○夾○同○名○序○
兼○鋪○肖○形○剪○挂○嬰○銜○壁○光○晶○瑩○撒○帳○聲○勦○舩○錦○綳○

兒罷洗絳縷歲將壓。厭勝能辟除祕戲何褻狎。式
愛肉好頰模沿爪痕。指資生勝水火妙用濟縣乏。
奚爲癖障簾竟思窖埋鋪填穴冀滿盈壘山務炭。
業不令流如川反致閉如牖散懼赤仄飛聚喜黃。
標插金溝塗馬埒寶樹馨脯蕙古色已如畫朽貫。
還再搗危形昧兩戈貪心懷一畝巧取來穿窬豪。
奪致剽劫饑鷹乍脫羈飽虎忽離柙蠅營轉蜚蜚。
蛻去亂鳴鳩熱似圖夏爐涼疑避冬簷將云席豐。

厚庶以守緒業。十戶供買花。五味難下筴。乞入手。
空仰誘者目。屢貶募。羶羊羹。嘗逐臭。馬糞。扱張口。
饒涎流。附耳私語。噠請從博徒。麀令與姪女。忼號。
奴飲狂泉。蠱惑癯巫。峽處涸。類輟鮒。貪餌成。幾鯢。
睚眦不崇朝。歡娛纔半霎。布施匪暴殄。箕歛適困。
跼荒邨。聞追呼。謠臺觀。逼懽淺。如舟膠沙。險若車。
阻。硤文人固艱辛。國士亦恇怯。債宜焚券契。弊或。
陳。癸剗探囊。雖脫穎。持贈劍出匣。隣里相周旋。親。

朋互款洽。方其來徐徐。佐我用恰恰。但求挂青銅。
無用典白裕。騎鶴上揚州。狎鷗泛清雪。白水儻可
盟。莞爾顰盈眸。

道光六年以唐陸忠宣公從祀賢宗從吳侍

御傑請也作詩三十韻紀之兼贈侍御

唐代推儒宗。昌黎最純粹。實出宣公門。斯文有默
契。韓已祀聖宮。先賢分位次。陸雖享專祠。未與少
牢祭。盛典縣千年。誰與表忠懿。兢兢侍御公。疏請

有深意○豈真榮○兩廡○將以風百世○我思貞元中○君
臣道幾墜○公值戎馬間○始荷腹心○寄手揮罪已○詔
能責○叛夫涕諫○疏十百篇○字字祖仁義○上回闔主
聽○下救生民○敝有德○必有言○忠信誠無愧○異代感
明良○同朝構猜忌○方當播遷時○失公如失臂○乘輿
奉天返○裴竇啟讒○悉忠州一朝○貶何異○龜山蔽○豈
知千載後○俎豆入洙泗○同時陽大夫○其官居諫議
上○疏延英門○救公出死地○後有蘇端明○立朝性沈

毅○龜○鑑○陳○殿○廷○尊○奉○及○文○字○煌○煌○二○公○後○侍○御○美○
能○繼○共○抱○聖○賢○心○曠○代○同○一○氣○顧○我○有○一○言○敢○敬○
告○三○事○宣○公○奏○議○在○讀○書○志○其○志○退○以○求○私○淑○進○
以○佐○

聖○治○勿○徒○騁○虛○辭○但○當○崇○實○際○

國○家○多○忠○賢○斯○道○有○統○系○文○章○光○日○月○千○春○永○弗○
替○